

Châng Thlan: *Rome 1:8.*

Zirlaite Tân:

Hriat Tûr: Paula chanchin tlângpui leh Rome khaw kohhran nêna an inkûngkaih dân hriat.

Vei Tûr: Paula thupui ber chu Juda leh Jentailten rinna leh khawngaihna avâng chauha chhandamna an chan a, bo mêkte tâna thawhsak châkna an neih ðeuh hi a ni.

Tih Tûr: Paulan ram thim a veina ðâwmpui a, khawvêl pawh tûra a tih dânte hmanga mahni kiang vêla mîte pawh tûra chutiang tih dân chu hman tûra theihtâwpa beih vê.

THUPI THÊN

I. Hriat Tûr: Paulan Chatuan Chanchin Thâ Nêna Spain Ram Thleng Hiâl Tûra A Beih Dân

A Engtin nge Paulan ram thim beih a tum dân kha thû mai ni lo, a taka chêtna a nihzia a lo lan?

B Kristian thuhretûa a taka kan ðanna tûrah hian kan tâna ram thim ‘Spain’ chu engte nge ni thei ang?

II. Vei Tûr: Paula Ram Thim Rawngbâwl leh Juda leh Jentailte (Mî Zawng Zawng) Chhandamna Tûr A Veizia

A Engtin nge, ringlote ni chung a thuhretûa ka ðanna lo dawngsawng ða bertu ni thei tûr sîte khawngaihna chu keimâ nunah ka chher puitlin theih ang?

B Kan vêng/thawhna hmun vêla awm vê mi dangte chung a ngaihtheihlohna rilrû min puttîr theitu eng inthlâr hranna thilte nge awm?

III. Tih Tûr: Paulan Mî Zawng Zawng Tâna Chhandamna A Veizia A Lantîr Ang A taka Nunpui

A Inngaihsakna hmanga chanchin ða thuhretua ðang tûra a taka chêt chhuah theih dân kawng hrang hrang chu engte nge ni ang?

B Chanchin ða thuhretua ðang tûra chêt chhuahnaah, engati nge mî zawng zawng hnên thlen chu kan tum ngêi tûr a nih chhan?

KHAIKHÂWMNA: Hê zirlai hian nasa zâwka ÷awngtâina nêna thuhretua ÷an chungchâng ngaihtuah tûrin min chawkpûr theuh tûr a ni.

INZIRTÎR DÂN TÛR

RAHBI 1—Chawp phûr rawh

Thlarau ÷hanna atâna thu pawimawh: Paulan Rome Kristiante rinna a fakna leh hlutsakna hian, Kristiana inçhâl zawng zawngte chu anmahni nunah leh thuhretua an ÷annaah, thlarau lam thilte chu thupui bera nei tûra tiphûrin, a chawp tho ngêi tûr a ni.

Sawi Hawp Nân: In pâwl membrete chu Bible thutak (a bîkin mi mal chhandamna leh chu miin nuna awmzia a neih dân tûr) an manthiam dânah chona siamsak la. Chutah, Paulan khatih hun laia la hriat chian loh khawvêl hmun kilkhâwr ber thlenga rawngbâwlna neih zêl a tum ruh hlê ang a, anni pawhin theihna an neih ang anga chanchin ÷ha chu mi dangte hnêna hrilh vê an tum dânte inenlêtna nei tûrin i kaihruai dân nia.

Zawhna Sawi ho tûr:

- ① Paula chanchin ÷hâ tih hi enge a awmzia ni a, engtin nge Kristian thurin pawimawh dangte nêna inlaichin?
- ② Kan tuâlchhûng kohhranah eng thlarau thilpêkte nge lo lang? Engtin nge chûng thilpêkte chuan kan hnamze mila kan tuâlchhûng rawngbâwlna a tihchian leh zual? Engtin nge hêng thilpêkte hian khawvêl pum huap te, kan Kristian puite leh Kristian ni vê lote tân pawha kohhran rawngbâwlna tûr a tih fiah?

RAHBI 2—Zawng chhuak rawh

ZIR ZÂUNA

I. Paula Ram Thim Rawngbâwlna Tòbul Zâu Zâwk Chu

Ram thim rawngbâwlna Paula zin chhuahna leh hmalam hun atâna sâwtpui tûr ruâhmanna a siam a ÷angin Rome

Lehkathawna thu chuâng bâkah, A Taka Nunpui tûr thurâwn manthiam theihna kan neihphah a. Paula chanchin hriatna zârah a thu zirtîr: Krista rinna zârah chiah mi malin chhandamna an nei thei tih hriat chian nân a ẵngkai bawk. Hê a ẵobul zâu zâwk hi rilrûa vawng chungin, heta kan târlan zui tûr hi chu *Rome*-a thupui pawimawh deuh palî, tûnkâr zirlaia târlan chu kan thlîr thuâk dâwn a ni.

Tih Tûr: Pakhatnaah, Paula ram thim rawngbâwlna huam chin leh hlen tum chinte hlutpui thiam zâwk tûrin, khatih hun lai khawvêla Paula zinnaa tel vê angin inngaihuât chhin ang che. Bible ram vêl fiah taka lanna map en tûr in neih theih pheih chuan a fiah leh zual ngêi ang.

Mahni Inzâwt La: Hê hmunah hian eng mittlaina tûr, rî, eitûr leh eng ang mîte nge awm ang? Engtin nge chutiang suângtuahna chuan rawngbâwl kawnga hnam ze thil chungchâng Paulan chona a hmachhawn theih âwnte manthiamna min neihtîr? Engtin nge kan tûnlai huna rawngbâwl kawnga chona kan hmachhawn ẵin angahte kan hman ẵngkai theih ang?

II. Paula Rawngbâwlna ẵobul (*Rome 16:1, 2; Tirhkohte 18:1–18; 20:2, 3; 28:17–31; Rome 15:25, 22.*)

Korin khaw kohhran kha rawngbâwla a zin chhuah ẵum hnihnaa din a ni a (a.d. 49–52). A zin chhuah ẵum thumna (a.d. 53–58), chhûng khân Korin kohhran chu tlawh lehin, Jerusalem mi thianghlimte chhawmdâwlina tûr thawhlawm pawh a dawng a. Mahse Jerusalem tlawh tûra Korin khua a chhuahsan hmâin, Rome mîte hnêna Lehkathawn chu a ziak a (a.d. 58 vêla), khawngaihna chanchin ẵh, Krista rinna zâr chiaha chhandamna chungchâng zirtîrna tih chian nân a ni.

Jentailte hian Kristian an nih theihna tûrin (serh leh sâng leh dân ang thlapin) Juda an ni phawt tûr a ni tih thûa inhniâl

chiâmna a thlen hnûa, Paulan chutiang chungchâng a sawifiahna leh tihchianna thû a ni ber. Paulan Galatiaa kohhrante tlawhin, (Israel leh Antiokei vêl ațanga lo chhuak) thu inchuh lian takin hê khuah hian nghawng ța lo tak a nei a (chûng chu *Galatia* Lehkathawnah leh *Tirhkohte* bû-ah pawh târlan a ni). Chutiang chuan, Paulan Rome mîte hnêna lekhâ a thawn chhan hi țulung hnih niâwmin a lang: A ram thim rawngbâwlna a thil ruâhman leh tum dân te; chûbâkah, chanchin ța nihna Chiang zâwka târlan—a bîkin Judate sâkhuana, Thuthlung Hlui leh Jentail piangtharte nêna a inlaichîn dân a ni.

Ngaihtuah Teh: Amah Isua leh Thuthlung Thar huna tirhkohte zirtîrna êng ațangin, engtin nge chanchin ța chu Thuthlung Hlui dân leh zâwlneite zirtîrnate hmanga hrilhfiah a nih?

III. Kristian Rawngbâwlna leh Ram Thim beihnaa Pathian Lo Chêtnate (*Rome 15:25, 22.*)

Paulan Rome mîte zînga rawngbâwl tûr leh Mediterranean Tuipui Thlanglama (Spain) ram thim rawngbâwlna tûra inkhuâr tûra Rome khawpui tlawh a tum a. Mahse Rome khawpui a lo thlen hmâin, Jerusalem-a Pathian mi harsatna tâwkte chhawmdâwlna atâna thawhlawm chu a hlân hmasa phawt tûr a ni. Hetianga tlawh a tumna chhan hi, Jentailte leh Juda ringtûte chu inpumkhatna thûk zâwk neihtîrna tûrin a ni. Chutianga a tlawhna chuan Judate tîsa lam mamawh a phuhrûksak chauh ni lo vin, chhandamna atâna dân țulangkaina chungchâng inhnîlnain a hliâm tâkte tuâm damna pawh a thlen baw ang. Mahse Pathian “lo chêtinate” avângin Rome khaw lama Paula zin tumna chu tikhhaihlak niin, tirhkohtân pawh rilru natna nasa tak a thlen a. Chutah, man a tâw a, Rome khawpuia a chungchâng rêlsak tûra thawn a ni ta zâwk a ni.

Ngaihtuah Teh: Pathian lo chêtinate avânga Paula ruâhmanna tihkhaihlak leh tawrhna a chung a thleng ta zâwk chungchângah khân zawhna nei pawh kan tam ang. Kan chung a harsatna lo thlengte hi engtin nge kan lo dawnawsawn thin le?

IV. ‘Mi Thianghlim’ Hrilhfiahna (*Rome 1:7.*)

“Mi thianghlim” tih thû hrilhfiahna chu “mî tû pawh nun thianghlim chungchuâng deuh taka nung” tihna a ni. A bîk deuh emaw chungchuâng tak tih hian mi thianghlimte chu thianghlimna thilpêka thuâm an ni a, chuvângin ringtu nâwlpuite âia thlarau lam dinhmun a sâng bîk deuh tihte pawh a kâwk maithei e. Mahse Bible hian engtin nge a hrilhfiah le?

Mi thianghlim tih thû, Paulan *Rome 1:7*-a a hman dân chu, Greek tawnga *hagios* tih niin, a awmzia chu kohna emaw ruâhman bîk emaw atâna tihhran/hlan tihna a ni. *Hagios* tih hi Kristian hmasâte zînga mî, fîm, fel leh thianghlim sawina a ni. Paulan, “Rom khuua Pathian duh tak, mi thianghlima awm tûra kohte zawng zawng hnênah: Pathian, kan Pa leh Lal Isua Krista hnên ata khawngaihna leh remna in hnênah awm rawh se” (*Rome 1:7*, NKJV) tiin a sawi. Hetah hian Paulan mi bîk tûte emaw tlêma zâwng ni lo, kohhran mi nâwlpui sawi nân a hmang a. Tûnlai Bible lehlin tharah pawh mi zawng zawng huâp zo tûr ang zâwngin an hmang tlângpui. King James Version hian ‘mi thianghlim’ tiin a sawi a, New International Version erawh chuan “[Pathian] mi thianghlim” (NIV) ti angin a sawi a, “Amâ tâna koh te serh hran tawhte,” (CJB) tih emaw, “Pathianin a hmangaih a, Amâ mi thianghlim ni tûra a kohte” (NCV) ti te pawha dah a ni.

Hêng Bible lehlin hrang hranga chiang taka târlan chu, mi thianghlimte chu Pathian thlan, a ruâhmanna bîk hlen tûra serh hran/thianghlim tih hi a ni. Chuvangin, mi

thianghlim tih chu Krista leh a chanchin ʈa ringtu a hmei a pâ, Juda leh Jentail zawng zawngte huap zo, chhandamna tûra A thihna, ringtute sawina a ni.

Ngaihtuah Teh: Engtin nge ‘mi thianghlimte’ tih hrilhfiahna dân thar hian, huâm zîm deuha lo hrilhfiah ʈin dân chu a khûm tâk?

V. Rome Kohhrana Awm Ringtûte chu tûte nge ni?
(*Rome 1:8.*)

Rome kohhranah khân Judate leh Jentailte an awm tlâng a, “khawvêl puma hming ʈa tak nei an ni.” Juda mîte leh Grik ringtûte a sawi zuinaah, Paulan ringtû zawng zawngte chu chanchin ʈhâah inpumkhat tlângin, mî zawng zawng hnêna puan darhnaah pawh, “tû pawh a ring apiangte tân chhandamna tûra Pathian thiltihtheihna a ni sî a; a tîrin Juda mi tân a ni a, tin, Grik mi tân pawh a lo ni leh a” (*Rome 1:16*) tiin a sawi.

Ngaihtuah Teh: Rome thuchahin a târlan ram thim rawngbâwlna te, a taka nunpui tûr leh Pathian thu kalpui dân tûr chungchâng hi sawi zâu deuh la. Hê thu êngah hian, engtin nge in Sabbath Sikul Pâwl ʈena ringtûte chuan Pathian thû leh nunphunga inpumkhatna ʈa zâwk nei a, vântirhkoh pathum thuchah puân darhna hmun ʈa ber a lo nih theih ang?

RAHBI 3—A Taka Nunpui Tûr

ZIRTIRTÛTE PUÂL: Kum zabi 16-na hun laia Martin Luthera dinhmun leh kum zabi 1-na huna tirhkoh Paula leh a Kristian ûnate dinhmun êng aʈang khân, hêng kum zabîten inanna deuh an neih chu fîmkhur taka târlan theih ni âwm tak a ni. Hun hrang hranga hnam zia leh khawtlâng nun hrang kârah pawh, Paula chanchin ʈa hmanga ‘hlen’ a nih vê theih dân tûr hi kan ngaihtuah chîk viau a ngai a ni.

A Taka Nunpui Tûr Zawhnate:

- ❶ Khawthlang ramte chanchinah, rinna avânga khawngaihnaa chhandam tih Bible zirtîrna manthiam kawnga harhtharnain nghawng thâ a neih theih dân eng thilthleng nge târlan theih kan neih?
- ❷ Engtin nge chanchin thâin min hlui chhandamna (mi sual zawng zawngte huapa chhandamna) —tih thû hian, hnam hrang, chi hrang leh nihna inang lo tak tak kârah pawh buaina a chinfel theih thin?
- ❸ Engatinge khawvêl ram changkâng leh hausa zîngah âiin, la rethei leh changkâng vak lo zîngah Bible chanchin thâ hian ngaihven a hlawh zâwk?

RAHBI 4—Boruak siam rawh

ZIRTIRTÛTE PUÂL: In pâwl member-te chu, chanchin thâ thuhretûa hnam leh mi chi hrang hrang zînga tanna tûrah, engtiang kawnga chêt chhuah nge sâwt deuh ang tih sawi tûrin sâwm hlawm la. Engtin nge mî chungga ngilneihna lantîr te, hawihhâwm te, mî ngaihsakna ang chîte hian chanchin thâ zâra hamthamna chan tûr chu îtawm deuh zâwka lantîrna tûra a tângkai theih dân tûr sawi hona neihpui ang che.

Tih Tûr:

- ❶ In vêng chhûng emaw khawtlângah emaw mi mal leh pâwl bîk deuh insiam emaw pawh a vântlâng rawngbâwlna neia che chhuak ngêi tûrin in pâwlte chu tur ang che.
- ❷ Chutianga thuhretûa tanna tûr atân, in pâwlten thilpêk hrang hrang an dawnte chu inzâwtin, inenfiahna nei ang che u.